

大字版国学经典

三國演義

卷一

罗贯中著

陕西新华出版传媒集团
三秦出版社

丛书宗旨：

弘扬传统文化，振奋民族精神，品味人生之路

国学精神：

天行健，君子以自强不息

淡泊以明志，宁静以致远

富贵不能淫，威武不能屈，贫贱不能移

路漫漫其修远兮，吾将上下而求索

中华民族优秀传统文化，最能触动中国人的心弦；中华国学经典著作，是中华优秀传统文化的重要载体。

《大字版国学经典系列》专门为中老年读者打造，具有版本精良、方便阅读、典雅大方的特点。虚堂静屋，茶余饭后。月到梧桐上，风来杨柳边。宠辱不惊，闲看庭前花开花落；去留无意，漫随天外云卷云舒。品读文化经典，感悟自然人生。超越物欲，滤清浮华。三省自我，教诲儿孙；潜移默化，润物无声。这是一种境界，一种追求；更是一种成功，一种享受。扫好一家屋，圆我复兴梦。

我单位可承接各种图书的大字版复制工作，可满足您的个性需要，质优价廉。有意者可与我单位联系。

西安颐轩国学文化传播有限公司

联系电话：029-83655780
18710722069

责任编辑：郭勇



三秦出版社天猫旗舰店




三秦出版社微信公众号



三秦书院藏书馆

三國演義

卷一



图书在版编目(CIP)数据

三国演义：全4册／(明)罗贯中著．——西安：三秦出版社，2016.9

ISBN 978-7-5518-1355-6

I. ①三… II. ①罗… III. ①章回小说—中国—明代
IV. ①I242.4

中国版本图书馆CIP数据核字(2016)第225767号

三国演义:全4册

(明)罗贯中 著

责任编辑 郭 勇
出版发行 陕西新华出版传媒集团 三秦出版社
社 址 西安市北大街147号
电 话 (029)87205121
邮政编码 710003
印 刷 陕西隆昌印刷有限公司
开 本 880mm×1230mm 1/16
印 张 33.75
字 数 700千字
版 次 2016年10月第1版
2016年10月第1次印刷
印 数 1-4000
标准书号 ISBN978-7-5518-1355-6
定 价 268.00元
网 址 <http://www.sqcbs.cn>

目 錄

第 一 回	宴桃園豪杰三結義	斬黃巾英雄首立功		1
第 二 回	張翼德怒鞭督郵	何國舅謀誅宦豎		11
第 三 回	議溫明董卓叱丁原	饋金珠李肅說呂布		23
第 四 回	廢漢帝陳留踐位	謀董卓賊孟德獻刀		33
第 五 回	發矯詔諸鎮應曹公	破關兵三英戰呂布		42
第 六 回	焚金闕董卓行兇	匿玉璽孫堅背約		54
第 七 回	袁紹磐河戰公孫	孫堅跨江擊劉表		63
第 八 回	王司徒巧使連環計	董太師大鬧鳳儀亭		73
第 九 回	除暴兇呂布助司徒	犯長安李傕聽賈詡		82
第 十 回	勤王室馬騰舉義	報父仇曹操興師		93
第 十 一 回	劉皇叔北海救孔融	呂溫侯濮陽破曹操		102
第 十 二 回	陶恭祖三讓徐州	曹孟德大破呂布		114
第 十 三 回	李傕郭汜大交兵	楊奉董承雙救駕		124
第 十 四 回	曹孟德移駕幸許都	呂奉先乘夜襲徐郡		136
第 十 五 回	太史慈酣鬥小霸王	孫伯符大戰嚴白虎		149

第十六回	呂奉先射戟轅門	曹孟德敗師涪水	164
第十七回	袁公路大起七軍	曹孟德會合三將	178
第十八回	賈文和料敵決勝	夏侯惇拔矢啖睛	187
第十九回	下邳城曹操鏖兵	白門樓呂布殞命	195
第二十回	曹阿瞞許田打圍	董國舅內閣受詔	208
第二十一回	曹操煮酒論英雄	關公賺城斬車胄	217
第二十二回	袁曹各起馬步三軍	關張共擒王劉二將	227
第二十三回	禰正平裸衣罵賊	吉太醫下毒遭刑	239
第二十四回	國賊行兇殺貴妃	皇叔敗走投袁紹	251
第二十五回	屯土山關公約三事	救白馬曹操解重圍	257
第二十六回	袁本初敗兵折將	關雲長掛印封金	267
第二十七回	美髯公千里走單騎	漢壽侯五關斬六將	276
第二十八回	斬蔡陽兄弟釋疑	會古城主臣聚義	286
第二十九回	小霸王怒斬於吉	碧眼兒坐領江東	298

詞曰：

滾滾長江東逝水，浪花淘盡英雄。是非成敗轉頭空。青山依舊在，幾度夕陽紅。

白發漁樵江渚上，慣看秋月春風。一壺濁酒喜相逢。古今多少事，都付笑談中。

第一回

宴桃園豪杰三結義 斬黃巾英雄首立功

話說天下大勢，分久必合，合久必分：周末七國分爭，並入於秦；及秦滅之後，楚、漢分爭，又並入於漢；漢朝自高祖斬白蛇而起義，一統天下，後來光武中興，傳至獻帝，遂分爲三國。推其致亂之由，殆始於桓、靈二帝。桓帝禁錮善類，崇信宦官。及桓帝崩，靈帝即位，大將軍竇武、太傅陳蕃，共相輔佐；時有宦官曹節等弄權，竇武、陳蕃謀誅之，機事不密，反爲所害，中涓自此愈橫。

建寧二年四月望日，帝御溫德殿。方昇座，殿角狂風驟起，只見一條大青蛇，從樑上飛將下來，蟠於椅上。帝驚倒，左右急救入宮，百官俱奔避。須臾，蛇不見了。忽然大雷大雨，加以冰雹，落到半夜方止，壞却房屋無數。建寧四年二月，洛陽地震；又海水泛溢，沿海居民盡被大浪卷入海中。光和元

年，雌鷄化雄。六月朔，黑氣十餘丈，飛入溫德殿中。秋七月，有虹現於玉堂，五原山岸，盡皆崩裂。種種不祥，非止一端。帝下詔問群臣以災異之由，議郎蔡邕上疏，以爲蜺墮鷄化，乃婦寺干政之所致，言頗切直。帝覽奏嘆息，因起更衣。曹節在後竊視，悉宣告左右；遂以他事陷邕於罪，放歸田里。後張讓、趙忠、封諤、段珪、曹節、侯覽、蹇碩、程璜、夏惲、郭勝十人朋比爲姦，號爲“十常侍”。帝尊信張讓，呼爲“阿父”。朝政日非，以致天下人心思亂，盜賊蜂起。

時鉅鹿郡有兄弟三人：一名張角，一名張寶，一名張樑。那張角本是個不第秀才，因入山采藥，遇一老人，碧眼童顏，手執藜杖，喚角至一洞中，以天書三卷授之，曰：“此名《太平要術》。汝得之，當代天宣化，普救世人。若萌異心，必獲惡報。”角拜問姓名。老人曰：“吾乃南華老仙也。”言訖，化陣清風而去。角得此書，曉夜攻習，能呼風喚雨，號爲“太平道人。”中平元年正月內，疫氣流行，張角散施符水，爲人治病，自稱“大賢良師”。角有徒弟五百餘人，雲遊四方，皆能書符念咒。次後徒衆日多，角乃立三十六方，大方萬餘人，小方六七千，各立渠帥，稱爲將軍；訛言：“蒼天已死，黃天當立；歲在甲子，天下大吉。”令人各以白土，書“甲子”二字於家中大

門上。青、幽、徐、冀、荆、揚、兗、豫八州之人，家家侍奉大賢良師張角名字。角遣其黨馬元義，暗賫金帛，結交中涓封諂，以爲內應。角與二弟商議曰：“至難得者，民心也。今民心已順，若不乘勢取天下，誠爲可惜。”遂一面私造黃旗，約期舉事，一面使弟子唐周，馳書報封諂。唐周乃徑赴省中告變。帝召大將軍何進調兵擒馬元義，斬之；次收封諂等一千人下獄。張角聞知事露，星夜舉兵，自稱“天公將軍”，張寶稱“地公將軍”，張樑稱“人公將軍”；申言於衆曰：“今漢運將終，大聖人出。汝等皆宜順天從正，以樂太平。”四方百姓，裹黃巾從張角反者四五十萬。賊勢浩大，官軍望風而靡。何進奏帝火速降詔，令各處備御，討賊立功；一面遣中郎將盧植、皇甫嵩、朱雋，各引精兵，分三路討之。

且說張角一軍，前犯幽州界分。幽州太守劉焉，乃江夏竟陵人氏，漢魯恭王之後也；當時聞得賊兵將至，召校尉鄒靖計議。靖曰：“賊兵衆，我兵寡，明公宜作速招軍應敵。”劉焉然其說，隨即出榜招募義兵。榜文行到涿縣，引出涿縣中一個英雄。那人不甚好讀書，性寬和，寡言語，喜怒不形於色，素有大志，專好結交天下豪杰；生得身長八尺，兩耳垂肩，雙手過膝，目能自顧其耳，面如冠玉，唇若塗脂。中山靖王劉勝之後，漢景帝閣下玄孫：姓劉，名備，

字玄德。昔劉勝之子劉貞，漢武時封涿鹿亭侯，後坐酎金失侯，因此遺這一支在涿縣。玄德祖劉雄，父劉弘。弘曾舉孝廉，亦嘗作吏，早喪。玄德幼孤，事母至孝；家貧，販屨織席爲業。家住本縣樓桑村。其家之東南，有一大桑樹，高五丈餘，遙望之，童童如車蓋。相者雲：“此家必出貴人。”玄德幼時，與鄉中小兒戲於樹下，曰：“我爲天子，當乘此車蓋。”叔父劉元起奇其言，曰：“此兒非常人也！”因見玄德家貧，常資給之。年十五歲，母使遊學，嘗師事鄭玄、盧植，與公孫瓚等爲友。及劉焉發榜招軍時，玄德年已二十八歲矣。

當日見了榜文，慨然長嘆。隨後一人厲聲言曰：“大丈夫不與國家出力，何故長嘆？”玄德回視其人：身長八尺，豹頭環眼，燕頤虎須，聲若巨雷，勢如奔馬。玄德見他形貌異常，問其姓名。其人曰：“某姓張，名飛，字翼德。世居涿郡，頗有莊田，賣酒屠狗，專好結交天下豪杰。適才見公看榜而嘆，故此相問。”玄德曰：“我本漢室宗親，姓劉，名備。今聞黃巾倡亂，有志欲破賊安民；恨力不能，故長嘆耳！”飛曰：“吾頗有資財，當招募鄉勇，與公同舉大事，如何？”玄德甚喜，遂與同入村店中飲酒。正飲間，見一大漢，推着一輛車子，到店門首歇了；入店坐下，便喚酒保：“快斟酒來吃，我待趕入城去投軍。”玄德

看其人：身長九尺，髯長二尺，面如重棗，唇若涂脂，丹鳳眼，卧蠶眉，相貌堂堂，威風凜凜。玄德就邀他同坐，叩其姓名。其人曰：“吾姓關，名羽，字長生，後改雲長，河東解良人也。因本處勢豪倚勢凌人，被吾殺了；逃難江湖五六年矣。今聞此處招軍破賊，特來應募。”玄德遂以己志告之，雲長大喜。同到張飛莊上，共議大事。飛曰：“吾莊後有一桃園，花開正盛。明日當於園中祭告天地，我三人結爲兄弟，協力同心，然後可圖大事。”玄德、雲長齊聲應曰：“如此甚好。”

次日，於桃園中，備下烏牛白馬祭禮等項，三人焚香再拜而說誓曰：“念劉備、關羽、張飛，雖然異姓，既結爲兄弟，則同心協力，救困扶危；上報國家，下安黎庶；不求同年同月同日生，只願同年同月同日死。皇天后土，實鑒此心。背義忘恩，天人共戮！”誓畢，拜玄德爲兄，關羽次之，張飛爲弟。祭罷天地，復宰牛設酒，聚鄉中勇士，得三百餘人，就桃園中痛飲一醉。來日收拾軍器，但恨無馬匹可乘。正思慮間，人報有兩個客人，引一伙伴當，趕一群馬，投莊上來。玄德曰：“此天佑我也！”三人出莊迎接。原來二客乃中山大商：一名張世平，一名蘇雙，每年往北販馬，近因寇發而回。玄德請二人到莊，置酒管待，訴說欲討賊安民之意。二客大喜，願將

良馬五十匹相送，又贈金銀五百兩、鑛鐵一千斤，以資器用。玄德謝別二客，便命良匠打造雙股劍。雲長造青龍偃月刀，又名“冷艷鋸”，重八十二斤。張飛造丈八點鋼矛。各置全身鎧甲。共聚鄉勇五百餘人，來見鄒靖。鄒靖引見太守劉焉。三人參見畢，各通姓名。玄德說起宗派，劉焉大喜，遂認玄德爲侄。

不數日，人報黃巾賊將程遠志統兵五萬來犯涿郡。劉焉令鄒靖引玄德等三人，統兵五百，前去破敵。玄德等欣然領軍前進，直至大興山下，與賊相見。賊衆皆披發，以黃巾抹額。當下兩軍相對，玄德出馬，左有雲長，右有翼德，揚鞭大罵：“反國逆賊，何不早降！”程遠志大怒，遣副將鄧茂出戰。張飛挺丈八蛇矛直出，手起處，刺中鄧茂心窩，翻身落馬。程遠志見折了鄧茂，拍馬舞刀，直取張飛。雲長舞動大刀，縱馬飛迎。程遠志見了，早吃一驚，措手不及，被雲長刀起處，揮爲兩段。後人有詩贊二人曰：

英雄露穎在今朝，一試矛兮一試刀。初出便將威力展，三分好把姓名標。

衆賊見程遠志被斬，皆倒戈而走。玄德揮軍追趕，投降者不計其數，大勝而回。劉焉親自迎接，賞勞軍士。次日，接得青州太守龔景牒文，言黃巾賊

圍城將陷，乞賜救援。劉焉與玄德商議。玄德曰：“備願往救之。”劉焉令鄒靖將兵五千，同玄德、關、張，投青州來。賊衆見救軍至，分兵混戰。玄德兵寡不勝，退三十里下寨。玄德謂關、張曰：“賊衆我寡，必出奇兵，方可取勝。”乃分關公引一千軍伏山左，張飛引一千軍伏山右，鳴金爲號，齊出接應。次日，玄德與鄒靖引軍鼓噪而進。賊衆迎戰，玄德引軍便退。賊衆乘勢追趕，方過山嶺，玄德軍中一齊鳴金，左右兩軍齊出，玄德麾軍回身復殺。三路夾攻，賊衆大潰。直趕至青州城下，太守龔景亦率民兵出城助戰。賊勢大敗，剿戮極多，遂解青州之圍。後人有詩贊玄德曰：

運籌決算有神功，二虎還須遜一龍。初出便能垂偉績，自應分鼎在孤窮。

龔景犒軍畢，鄒靖欲回。玄德曰：“近聞中郎將盧植與賊首張角戰於廣宗，備昔曾師事盧植，欲往助之。”於是鄒靖引軍自回，玄德與關、張引本部五百人投廣宗來。至盧植軍中，入帳施禮，具道來意。盧植大喜，留在帳前聽調。

時張角賊衆十五萬，植兵五萬，相拒於廣宗，未見勝負。植謂玄德曰：“我今圍賊在此，賊弟張樑、張寶在潁川，與皇甫嵩、朱雋對壘。汝可引本部人馬，我更助汝一千官軍，前去潁川打探消息，約期剿

捕。”玄德領命，引軍星夜投潁川來。

時皇甫嵩、朱雋領軍拒賊，賊戰不利，退入長社，依草結營。嵩與雋計曰：“賊依草結營，當用火攻之。”遂令軍士每人束草一把，暗地埋伏。其夜大風忽起。二更以後，一齊縱火，嵩與雋各引兵攻戰，賊寨火焰張天，賊衆驚慌，馬不及鞍，人不及甲，四散奔走。

殺到天明，張樑、張寶引敗殘軍士，奪路而走。忽見一彪軍馬，盡打紅旗，當頭來到，截住去路。爲首閃出一將：身長七尺，細眼長髯，官拜騎都尉，沛國譙郡人也，姓曹，名操，字孟德。操父曹嵩，本姓夏侯氏；因爲中常侍曹騰之養子，故冒姓曹。曹嵩生操，小字阿瞞，一名吉利。操幼時，好遊獵，喜歌舞，有權謀，多機變。操有叔父，見操游盪無度，嘗怒之，言於曹嵩。嵩責操。操忽心生一計：見叔父來，詐倒於地，作中風之狀。叔父驚告嵩，嵩急視之，操故無恙。嵩曰：“叔言汝中風，今已愈乎？”操曰：“兒自來無此病，因失愛於叔父，故見罔耳。”嵩信其言。後叔父但言操過，嵩並不聽。因此，操得恣意放蕩。時人有橋玄者，謂操曰：“天下將亂，非命世之才不能濟。能安之者，其在君乎？”南陽何見操，言：“漢室將亡，安天下者，必此人也。”汝南許劭，有知人之名。操往見之，問曰：“我何如人？”劭

不答。又問，劭曰：“子治世之能臣，亂世之奸雄也。”操聞言大喜。年二十，舉孝廉，爲郎，除洛陽北部尉。初到任，即設五色棒十餘條於縣之四門，有犯禁者，不避豪貴，皆責之。中常侍蹇碩之叔，提刀夜行，操巡夜拿住，就棒責之。由是，內外莫敢犯者，威名頗震。後爲頓丘令。因黃巾起，拜爲騎都尉，引馬步軍五千，前來潁川助戰。正值張樑、張寶敗走，曹操攔住，大殺一陣，斬首萬餘級，奪得旗幡、金鼓、馬匹極多。張樑、張寶死戰得脫。操見過皇甫嵩、朱雋，隨即引兵追襲張樑、張寶去了。

却說玄德引關、張來潁川，聽得喊殺之聲，又望見火光燭天，急引兵來時，賊已敗散。玄德見皇甫嵩、朱雋，具道盧植之意。嵩曰：“張樑、張寶勢窮力乏，必投廣宗去依張角。玄德可即星夜往助。”玄德領命，遂引兵復回。到得半路，只見一簇軍馬，護送一輛檻車：車中之囚，乃盧植也。玄德大驚，滾鞍下馬，問其緣故。植曰：“我圍張角，將次可破；因角用妖術，未能即勝。朝廷差黃門左豐前來體探，問我索取賄賂。我答曰：‘軍糧尚缺，安有餘錢奉承天使？’左豐挾恨，回奏朝廷，說我高壘不戰，惰慢軍心；因此朝廷震怒，遣中郎將董卓來代將我兵，取我回京問罪。”張飛聽罷，大怒，要斬護送軍人，以救盧植。玄德急止之曰：“朝廷自有公論，汝豈可造次？